



ACTA DERA SESSION DETH PLEN

Identificacion dera session

Numerò: 10/2015

Caractèr: Ordinària

Data: 23 de seteme de 2015

Orari: 10:00 a 11:45 ores

Lòc: Sala d'actes der Ajuntament de Vielha e Mijaran

Assistenti

President: Juan Antonio Serrano Iglesias

Còssos:

Grop Municipau d'Unitat d'Aran (UA): Jacinto Cuny Moga, María Vergés Pérez, Rufino Martinez Cau, Elena Vidal Díaz, Ramón González Pujol e Alberto López López

Grop Municipau de Convergència Democratica Aranese-Partit Nacionaliste Aranés (CDA-PNA): Alejandro Moga Vidal, Pau Perdices Pla, Luisa Estévez Sans, Agustín Calbetó Escrig, e Montse García Roca

Grop Municipau de Ciutadans-Vielha (C's): Javier Rivas Escamilla.

Assistidi pera Secretària dera Corporacion Municipau Pilar Hervada Vidal, damb er objectiu de celebrar era session ordinària en prumèra convocatòria.

Orde deth dia:

1. Aprobacion actes sessions anteriors deth Plen.
2. Balhar compde des Decrèts der Alcalde.
3. Aprobacion provisionau dera modificacion de determinades ordenances fiscaus entar an 2016.
4. Aprobacion Mocion d'acuelhuda de refugiats.
5. Ahèrs d'urgéncia se n'i a.
6. Prècs e demanes.

1.- APROBACION ACTES SESSIONS ANTERIORS DETH PLEN.-

Se dan per liejudes es Actes des sessions deth Plen deth dia:

- 28 de junhsèga de 2015
- 7 de seteme de 2015

eth brolhon des quaus sigueren liurats a toti es membres deth Consistòri e trapant-les conformes s'apròven per unanimitat des presentis.

2.- BALHAR COMPDE DES DECRÈTS DER ALCALDE.-

Per part der Alcalde se da compde as Còssos, que se dan per assabentadi, des resolucions que seguissen:

Decrèt VIE/SEC/159/2015 – Execucion der esbauçament urgent d'immonble en Betren.

Decrèt VIE/SEC/160/2015 – Admete a tràmit reclamacion per danhs.

Decrèt VIE/SEC/161/2015 – Autorizacion d'aucupacion d'espaci public.

Decrèt VIE/SEC/162/2015 – Admete a tràmit reclamacion per danhs.

Decrèt VIE/SEC/163/2015 – Admete a tràmit reclamacion per danhs.

Decrèt VIE/SEC/164/2015 – Execucion der esbauçament urgent d'immonble en Betren

Decrèt VIE/SEC/165/2015 – Autrejament de targeta de parcatge entà persona damb discapacitat.



Ajuntament de Vielha e Mijaran

- Decrèt VIE/SEC/166/2015 – Autorizacion d'ocupacion d'espaci public.
- Decrèt VIE/SEC/167/2015 – Autrement de targeta de parcatge entà persona damb discapacitat.
- Decrèt VIE/SEC/168/2015 – Convocatòria de Junta de Govèrn Locau.
- Decrèt VIE/SEC/169/2015 – Admete a tràmit reclamacion per danhs.
- Decrèt VIE/SEC/170/2015 – Paralizacion d'expedient de disciplina urbanistica.
- Decrèt VIE/SEC/171/2015 – Concession de licéncias urbanistiques.
- Decrèt VIE/SEC/172/2015 – Autorizacion d'ocupacion d'espaci public.
- Decrèt VIE/SEC/173/2015 – Convocatòria de Junta de Govèrn Locau.
- Decrèt VIE/SEC/174/2015 – Autorizacion d'ocupacion d'espaci public.
- Decrèt VIE/SEC/175/2015 – Autorizacion d'ocupacion d'espaci public.
- Decrèt VIE/SEC/176/2015 – Concession de licéncia urbanistica.
- Decrèt VIE/SEC/177/2015 – Convocatòria de Junta de Govèrn Locau.
- Decrèt VIE/SEC/178/2015 – Enviament d'expedient ath Jutjat Contencios Administratiu.
- Decrèt VIE/SEC/179/2015 – Autorizacion de cambi de titular de licéncia de taxis.
- Decrèt VIE/SEC/180/2015 – Suspension d'òbres sense licéncia.
- Decrèt VIE/SEC/181/2015 – Autorizacion entà realizar actuacion musicau en viadèr public.
- Decrèt VIE/SEC/182/2015 – Concession de licéncias urbanistiques.
- Decrèt VIE/SEC/183/2015 – Autorizacion entà installacion d'atraccion entara Hèsta Major.
- Decrèt VIE/SEC/184/2015 – Admete a tràmit reclamacion per danhs.
- Decrèt VIE/SEC/185/2015 – Comjat (comiat) tècnica dera Escòla Mairau.
- Decrèt VIE/SEC/186/2015 – Convocatòria dera Junta de Govèrn Locau.
- Decrèt VIE/SEC/187/2015 – Autorizacion d'ocupacion d'espaci public.
- Decrèt VIE/SEC/188/2015 – Autorizacion d'usatge de locau public.
- Decrèt VIE/SEC/189/2015 – Inici expedient de baisha inscripcions en Padron.
- Decrèt VIE/SEC/190/2015 – Autorizacion entà realizar actuacion musicau en viadèr public.
- Decrèt VIE/SEC/191/2015 – Autorizacion d'usatge de locau public.
- Decrèt VIE/SEC/192/2015 – Convocatòria de Comissions Informatiues.
- Decrèt VIE/SEC/193/2015 – Convocatòria de session deth Plen.
- Decrèt VIE/SEC/194/2015 – Autrement de Poders entà pleits.
- Decrèt VIE/SEC/195/2015 – Desestimar recors de reposicion en expedient de disciplina urbanistica.
- Decrèt VIE/SEC/196/2015 – Desestimar recors de reposicion en expedient de disciplina urbanistica.
- Decrèt VIE/SEC/197/2015 – Declaracion d'òbres coma non legalizables.
- Decrèt VIE/SEC/198/2015 – Ampliacion deth numero de places dera licéncia de taxis numero 5.
- Decrèt VIE/SEC/199/2015 – Autorizacion entà realizar actuacion musicau en viadèr public.
- Decrèt VIE/SEC/200/2015 – Convocatòria dera Junta de Govèrn Locau.
- Decrèt VIE/SEC/201/2015 – Convocatòria de Comissions Informatiues.
- Decrèt VIE/SEC/202/2015 – Autrement de licéncia de can perillhós
- Decrèt VIE/SEC/203/2015 – Concession de licéncias d'òbra.
- Decrèt VIE/SEC/204/2015 – Aprobacion de devolucion de fiança.
- Decrèt VIE/SEC/205/2015 – Autorizacion entà ocupacion d'espaci public.
- Decrèt VIE/SEC/206/2015 – Autorizacion entà ocupacion d'espaci public.
- Decrèt VIE/SEC/207/2015 – Autorizacion entà ocupacion d'espaci public.
- Decrèt VIE/SEC/208/2015 – Autorizacion entà ocupacion d'espaci public.
- Decrèt VIE/SEC/209/2015 – Autorizacion entà ocupacion d'espaci public.
- Decrèt VIE/SEC/210/2015 – Autorizacion entà utilizar locau public.
- Decrèt VIE/SEC/211/2015 – Convocatòria de session deth Plen.



Decrèt VIE/SEC/212/2015 – Visteplaz ara transmission d'ua concession administratiua, d'ua plaça de parcatge.

INTERVENCION

Decrèt VIE/INT/58/2015 – Aprobacion e pagament de nòmina personau mes de junhsèga.

Decrèt VIE/INT/59/2015 – Aprobacion relacion de documents de despena num. 00028/2015.

Decrèt VIE/INT/60/2015 – Ordenar eth pagament des relacions 18/2015, 16/2015 e 5M/2015.

Decrèt VIE/INT/61/2015 – Aprobacion relacion de documents de despens num. 30/2015.

Decrèt VIE/INT/62/2015 – Ordenar era aprobacion e pagament dera nòmina de personau deth mes d'agost.

Decrèt VIE/INT/63/2015 – Aprobacion relacion de documents des despens num. 31/2015 e 32/2015.

Decrèt VIE/INT/64/2015 – Ordenar eth pagament des relacions 20/2015, 21/2015 e 6M/2015.

Decrèt VIE/INT/65/2015 – Iniciar expedient de suplement de crèdit.

Decrèt VIE/INT/66/2015 – Aprobacion relacion de documents de despens num. 33/2015.

3.- APROBACION PROVISIONAU DERA MODIFICACION DE DETERMINADES ORDENANCES FISCAUS ENTAR AN 2016.-

Se lieg era prepausa d'acòrd e segontes er Alcalde se votarà individuament cada Ordenança:

PRUMÈR .- Ordenança Fiscau num. 1- Impòst sus Bens Immòbles

Es presenti per majoria absoluta, damb eth vòt a favor des sèt (7) Còssos deth Grop Municipau d'UA, eth vòt (1) deth Còsso deth Grop Municipau de C's e eth vòt en contra des cinc (5) Còssos deth Grop Municipau de CDA-PNA, acòrden:

Era aprobacion provisionau dera modificacion entar an 2016 d'era Ordenança Fiscau num. 1.

En aguesta ordenança se suprimís era exempcion deth pagament der IBI establerta en apartat h) der article 4, que ditz:

Gaudiràn d'exempcion es immòbles destinats a centres sanitaris e assistenciaus, era titularitat des quaus correspone ar Estat, era Comunitat Autònoma o es Entitats Locaus e pertanhen a ua o diuèrses des categories següentes:

- a) Espitau public
- b) Centres d'assistència primària, d'accès generau
- c) Residències geriàtriques
- d) Centres ocupacionaus de discapacitats.

DUSAU.- Ordenança Fiscau num. 7 - Taxa entara tramitacion des activitats subjèctes a autorizacion, licència e comunicacion prealabla previstes ara Lei 20/2009, de 4 de deseme de prevencion e contròtle ambientau des activitats e des activitats innòcues e ara Lei 11/2009, de 6 de junhsèga, de regulacion administrativa des espectacles e es activitats recreatives.

Es presenti per majoria absoluta, damb eth vòt a favor des sèt (7) Còssos deth Grop Municipau d'UA, e era abstencion deth Còsso deth Grop Municipau de C's e des cinc (5) Còssos deth Grop Municipau de CDA-PNA, acòrden:

Era aprobacion provisionau dera modificacion entar an 2016 d'era Ordenança Fiscau num. 7.

Se modifique er article 6 Quòta tributària que quedarie redactat coma s'indique enes apartats següenti:



3. Cambi de titularitat

Sollicitud presentada entà cambiar de nòm era licència d'ua activitat que s'a traspasat.

TIPE D'ACTIVITAT	
ANNÈX I	550,00 €
ANNÈX II	450,00 €
ANNÈX III	450,00 €
INNÒCUA	350,00 €

4. Cambi non substanciau d'activitat

Sollicitud presentada entà includir ena licència preexistent, era ampliacion e/o modificacion que s'è en ua activitat, sense qu'açò supause un cambi substanciau.

TIPE ACTIVITAT	
ANNÈX I	150,00 €
ANNÈX II	150,00 €
ANNÈX III	150,00 €

5. Contròtle periodic e revision de licència

Inspeccion a que periodicament cau sotmèter era activitat entà comprovar que s'adapte as determinacions ambientaus legaus e es fixades ena licència.

Contraròtle a qu'Inspeccion

TIPE ACTIVITAT	
ANNÈX I	700,00 €
ANNÈX II	600,00 €
ANNÈX III	500,00 €

6. Control inicial d'activitat

Inspeccion que se realize en periòde de metuda en marcha des installacions ar inici dera activitat entà verificar qu'era activitat complís damb es determinacions fixades ena autorizacion o licència ambientau.

TIPE ACTIVITAT	
ANNÈX II	250,00 €
ANNÈX III	250,00 €

8. Autes actuacions relacionades damb activitats

CONCÈPTE	
Informes d'assistència	200,00 €
Sonometries nocturnes	350,00 €
Dusaus e successives comprovacions (ANNÈX II e III)	200,00 €
Sonometries diürnes	250,00 €



Ajuntament de Vielha e Mijaran

Dusaus e successives comprovacions (innòcues)	200,00 €
Certificats	50,00 €

Eth concèpte *Tramit d'abilitacion administrativa d'abitatges d'us toristic* que passarie a èster nomenat *Tramitacion d'expedient de nauta d'abitatge d'us toristic*: 600€/per abitatge.

TRESAU.- Ordenança Fiscou num. 18.- Taxa entà parades, barraques, casetes de venda, espectacles o atraccions plaçades en terrenes d'us public e indústries deth carrèr e ambulants e rodatges cinematogràfic.

Es presentí per unanimitat, damb eth vòt a favor des tretze (13) Còssos que formen era Corporacion Municipau, acòrden:

Era aprobacion provisionau dera modificacion entar an 2016 dera Ordenança Fiscou num. 18.

Se modifiquen es articles 5 i 6, que quedarien redactats dera forma següenta:

Article 5è. Beneficis fiscaus

Er apartat 2. No s'aplicarà bonificacions ne reduccions entara determinacion deth deute, excèpte es que s'especificuen en article 6 Tarifa Dusau Parades en generau.

Article 6è. Quòta tributària

Epígraf

Tarifa dusau

Licència entara aucupacion de terrenes damb parades destinades ara venda, installacion d'espectacles o atraccions de hèira, entara celebracion de determinats dies especiaus coma:

Parades en generau €/ml dia4,69€

S'era aucupacion excedís de trenta dies aurà ua bonificacion deth 10% sus eth prètz ml/dia.

S'era aucupacion excedís de seishanta dies aurà ua bonificacion deth 20% sus eth prètz ml/dia.

QUATAU.- Ordenança Fiscou num. 28.- Taxa entar prestacion des servicis de piscines, pista de gèu, e installacions analògues.

Es presentí per unanimitat, damb eth vòt a favor des tretze (13) Còssos que formen era Corporacion Municipau, acòrden:

Se modifiquen es tarifes atau coma cònste en ANNÈX .

CINCAU.- Es acòrds definitius en matèria de modificacion d'ordenances fiscaus entar exercici de 2016 e següentes se publicaràn en Bulletin Oficiau dera Província.

SIESAU.- Exposar ath public en taulèu d'anoncis der Ajuntament es anteriors acòrds provisionaus, pendent eth termini de trenta dies abils, compdats des deth dia següent ath dera publicacion der anongi d'exposicion en Bulletin Oficiau dera Província.



Pendent eth periòde d'exposicion publica des ordenances, es qu'agen un interès dirècte o resulten afectadi, enes tèrmes previsti enes articles 15 ath 19 deth Reiau Decrèt Legislatiu 2/2004, de 5 de març, poderàn examinar er expedient e presentar es reclamacions que creguen oportunes. Transcorrut eth periòde d'exposicion publica sense que s'agen presentat reclamacions, es acòrds adoptats restaràn definitivament aprovats e se publicaràn en Bulletin Oficiau dera Província eth tèxte integre des modificacions efectuades.

4.-APROBACION MOCION D'ACUELHUDA DE REFUGIADI.-

Er Alcalde passe era paraula ara Còsso María Vergés Pérez qu'explique qu'era Mocion ei era madeisha que s'a aprovat per unanimitat peth Plen deth Conselh Generau d'Aran. Era Mocion hè referéncia ath drama que viuen es refugiadi sirians que hugen deth sòn país. Se tracte d'expresar era solidaritat damb aguestes persones, instar as disparières institucions autan dera Union Europèa coma der Estat a que donguen respòsta as besonhs umanitaris des refugiadi e que se mete en foncionament eth dret d'asil e proteccion. Instar ar Estat a desssenhar un plan d'emergéncia d'acuelhuda e tanben ara Generalitat, Conselh e as Ajuntaments.

Pensam qu'ei un gèst ath qu'èm obligadi per solidaritat.

Eth Pòrtavotz deth Grop Municipau de CDA-PNA, Alejandro Moga Vidal, totaument a favor, dues puntualizacions: qu'era Union Europèa aumens a arribat a un acòrd tot e qu'es estats membres non an actuat damb rapidesa. D'aute biais dider-li ath Sr. Rufino qu'en plen deth passat mes de junhsèga didec qu'aguesta Corporacion non entrarà en debats que non li corresponen des der àmbit dera politica municipau qu'a còps s'excedís ena presentacion de mocions que parlen d'ahèrs que non corresponen as Corporacions Locaus. Dider-li qu'a còts i a ahèrs enes que se procedís eth debat e era mocion.

Eth Pòrtavotz deth Grop Municipau d'UA, Rufino Martínez Cau, respon qu'en aquest ahèr òc que cau, en Plen det mè de junhsèga ditz q'eth Plen non a de prononciar-se en mocions que non son dera sua competéncia, perqu'er Ajuntament de Vielha e Mijaran çò que hè ei aufrir-se coma possible receptor de refugiadi. Non se parle d'un ahèr que non age arren a veir.

Alex Moga manifèste que dan supòrt ara mocion. Important remercar qu'uns parlen d'immigrants politics e d'auto diden refugiadi, non ei çò de madeish, parlam de refugiadi ei important era conceptualizacion.

Javier Rivas, Pòrtavotz deth Grop Municipau de C's, èm d'acòrd. Eser estatuts des refugiadi ei tabulat pes Naciones Unidas. Auem era obligacion non sonque morau senon tanben legau perqu'ei regulat per estatus deth refugiat, de hèr tot çò que pogam. En aquesta tèrra i auem un temps en eth que tanben siguerem refugiadi e mos cau èster çò mè de generosi possibles.

Rufino Martínez ditz que cau aprofundir en sens dera responsabilitat. Eth còr a viatges mos hè a respòner des d'ua posicion fòrça individualizada mè de pensam qu'eth trabalh primordiau li correspon ath Conselh Generau d'Aran en concordança damb era Generalitat de Catalunya. Cau pensar molt en coma se hè era acuelhuda per'mor que non ei gent qu'ei en caumatge, senon que pòden quedar-se fòrça temps. Se cau implicar des deth punt de vista de fòrça airaus, educatiu, economic, eca. Èm a dispasacion deth Conselh Generau d'Aran que damb era Generalitat de Catalunya consensuarà coma se hè aquesta acuelhuda en foncion des critèris qu'establisquen.

Se lieg era prepausa:



Ajuntament de Vielha e Mijaran

Vista era prepausa de mocion presentada peth grop municipau d'UA-PSC-CP en Conselh Generau d'Aran, e que siguec aprovada per unanimitat ena session Plenaria deth Conselh Generau d'Aran deth dia 7 de seteme de 2015.

Deuant era actuau arribada en Euròpa de milèrs de persones que hugen entà salvar es sues vides dera guèrra enes sòns païsi, e era persecucion politica des sòns govèrns, non podem demorar impassibles. Cau qu'actuem.

Pr'amor qu'Aran a estat tostemp un parçan d'acuelhuda e ara non pòt demorar impassible deuant deth drama umanitari que viuem.

Pr'amor que cau, d'entrada, deishar plan clar que non se tracte d'un fenòmen d'immigracion, senon d'un hèt e situacion exepcionau, a on personas, refugiadi e refugiades, de totes es edats, sagen de hùger deth desastre dera guèrra e era hame enes sòns païsi d'origen. Aguesti darrèri dies, eth laueg de personas qu'arribe enes frontères d'Euròpa entà cercar asil e refugi, an convertit aguesta crisi en un drama umanitari. Ei ridicul e lamentable qu'Euròpa devengue incapabla de gestionar era arribada de 300.000 refugiadi, quan en Orient Miei e eth Nòrd d'Africa an acuelhut a 7,2 milions de refugiadi.

Donada era deishadesa e era inaccion des govèrns e des institucions euròpees agrèuge encara mèr era situacion des milèrs de familhes que hèn un long camin entà suenhar es sues vides e cercar una naua oportunitat en un aute país d'Euròpa. En aquest sens, era responsa dera Union Euròpea e des sòns Estats membres ara crisi de refugiadi non sonque ei reprovabla des deth punt d'enguarda morau e etic senon que tanben tampoe damb tot un seguit d'obligacions juridiques internacionaus.

Pr'amor que cau exigir que s'actue de forma immediata e contundenta entà assegurar qu'estats membres coma Espanha complisquen es compromisi contrèts en matèria d'asil en tractats com era Declaracion Universau de Drets Umans, eth Convèni Euròpeu de Drets Umans o era Convencion de Ginèbra.

Dat que coma Ajuntament de Vielha e Mijaran, implicat ena defensa des Drets Umans, era solidaritat e era patz, compdam damb es vesins deth Municipi, era sua societat civila e es sues organizacions umanitàries, que tostemp an mostrat era sua capacitat de luta contra es desigualtats.

Ei pr'amor d'aguestes rasons qu'eth grop d'UA en Ajuntament de Vielha e Mijaran prepausa ath Plen era aprobacion dera mocion en solidaritat damb eth drama des refugiats enes termières europèes.

E es presentì per unanimitat, damb eth vòt a favor des tretze (13) Còssos que formen era Corporacion Municipau, acòrden:

Prumèr.- Expressar era nòstra solidaritat damb totes es personas qu'an d'abandonar es sues cases de forma involontària a causa dera guèrra que viuen enes sòns païsi d'origen e denonciam es situacions d'abús que aguestes patissen per part de màfies organizades.

Dusau.- Instar as institucions dera Union Euròpea a actuar de manèra immediata entà dar responsa as besonhs umanitaris des personas que viuen aguesta tragèdia e cercar solucions a long tèrme entà esvitar repetir situacions d'incompetència e negligència ena gestion de fluxes massius de personas en casi d'emergències umanitàries.



Tresau.- Instar ath govèrn der Estat a dar asil o refugi ad aqueres persones susceptibles d'obtièr proteccion internacionau, o, coma mimim a totes aqueres qu'ac sollicite era Comission Euròpea, tant per decéncia envèrs as refugiadi qu'arriben enes còstes europèes hugent dera hame e dera guèrra, coma per solidaritat damb era rèsta de país de dera UE.

Quatau.- Instar ath govèrn der Estat qu'apròve çò mèu possible eth Reglament dera Lei 12/2009, de 30 d'octobre, reguladora deth dret d'asil e dera proteccion subsidiària.

Cincau.- Instar ath govèrn der Estat a dessenha damb urgéncia un Plan d'acuelhuda umanitària as refugiadi. Aguest plan a d'auer dispausades places d'acuelhuda dignes, possibilitats d'escolarizacion entàs menors, atencion sanitària e sociau, en collaboracion damb es CCAA e era FEMP.

Siesau.- Instar ath Govèrn dera Generalitat a colaborar damb eth Conselh Generau e es Ajuntaments aranesi, entà acuelher ad aqueri refugiadi que poguen èster acuelhudi en Aran.

Setau.- Dispausar d'aquères installacions que poguen èster utiles entad aguesta finalitat umanitària.

Ueítau.- Trasladar aguest acòrd deth Plen as Govèrns der Estat e dera Generalitat, atau coma a totes es entitats sociaus d'Aran, e en especiau, aqueres que desvolopen prètzhèts d'acuelhuda de persones.

5.- AHÈRS D'URGÉNCIA SE N'IA.-

Er Alcalde passe era paraula ath Còsso Rufino Martínez Cau qu'explique es arrasons dera urgéncia deth tramit e per'mor de non auer de convocar un plen extraordinari.

DECLARAR ERA URGÉNCIA DER AHÈR.-

Er Alcalde, era inclosion d'aguest punt per urgéncia. Eth Còsso Rufino Martínez justifique era urgéncia en sens de profitar era possibilitat de hèr un profitament de cara a un periode cuert de temps que serie preferible non demorar a un aute plen. Per'mor de poder eliminar dera Ordenança Municipau Reguladora de Publicitat era referéncia as terrenes de domeni public, en sòn article nº 1 e aplicar era ordenança sonque as terrenes privats, en tot deishar es terrenes publics a critèri der Ajuntament.

Cossent damb er article 83 deth Reglament d'Organizacion, Foncionament e Regim Juridic des Entitats Locaus, apròvat peth Reiau Decrèt 2568/1986 de 28 de noveme, s'acòrde que per rasons d'urgéncia s'inclodisque ena Orde deth Dia era Prepausa de "Modificacion dera Ordenança Municipau Reguladora dera Publicitat".

Sometuda a votacion resulte que per majoria absoluta, damb eth vòt a favor des sèt (7) Còssos deth Grop Municipau d'UA, e un (1) vòt deth Còsso deth Grop Municipau de C's e era abstencion des cinc (5) Còssos deth Grop Municipau de CDA-PNA, s'apròve era declaracion d'urgéncia der ahèr.



Eth Còsso Rufino Martinèz Cau explique era prepausa d'acòrd: Se trè era aplicacion dera ordenança as terrens publics, sonque s'aplicarà as terrens privadi e s'aplicarà un aute còp es Normes Subsidiaries e Complementàries de Planejament dera Val d'Aran.

Er Alcalde somet a votacion era propòsta.

MODIFICACION DERA ORDENANÇA REGULADORA DERA PUBLICITAT.-

En tot considerar que per Provision d'Alcaldia de data 17 de seteme de 2015 se sollicitèc informe de Secretaria en relacion damb eth procediment e era legislacion aplicabla entà aprovar era modificacion dera Ordenança Municipau Reguladora dera Publicitat.

En tot considerar eth nomentat informe emetut en data 18 de seteme e vista era propausa d'acòrd.

Tient en compde era competència deth Plen, en vertut des articles 22.2.d) e 49 dera Lei 7/1985, de 2 d'abriu, reguladora des bases deth regim locau, 178 deth Decrèt legislatiu 2/2003, de 28 d'abriu, peth que s'apròve eth Tèxte rehonut dera Lei municipau e de regim locau de Catalunya, e 63 deth Decrèt 179/1995, de 13 de junh, peth que s'apròve eth Reglament d'òbres, activitats e servicis des entitats locals, se prepausa era aprobacion d'aquesta modificacion e,

Per majoria absoluta, damb eth vòt a favor des sèt (7) Còssos deth Grop Municipau d'UA, e un (1) vòt deth Còsso deth Grop Municipau de C's e eth vòt en contra des cinc (5) Còssos deth Grop Municipau de CDA-PNA, s'acòrde:

PRUMÈR.- Aprovar iniciaument era modificacion des articles 1 e 4.1 dera Ordenança Municipau Reguladora dera Publicitat, enes tèrmes que següents:

Er article 1 que regule er Objècte, quedarà redactat dera següent forma:

Era present ordenança a per objècte regular es condicions a qué aurà d'ajustar-se era publicitat instalhada o hèta en domèni privat o perceptible des deth domèni public.

Er apartat 1 der article 4 que regule es tanques publicitàries, quedarà redactat dera següent forma:

Non ei permetut eth plaçament de tanques publicitàries, exceptat aqueres qu'era Junta de Govèrn Locau pogue determinar cossent damb çò que dispause er article 10.

DUSAU.- Méter a informacion publica, per un tèrme minim de trenta dies, per miei d'anònci publicat en Butletín Oficiau dera Província, en Diari Oficiau dera Generalitat de Catalunya, en un des mejans de comunicacion escrita jornalièra, en taulèu d'anóncis dera Corporacion e ena web municipau, pr'amor qu'aguesti poguen examinar er expedient e formular es reclamacions e suggeriments qu'estimen apertienti. De non presentar-se reclamacions o suggeriments en nomentat tèrme, se considerarà aprovat definitiuaments sense besonh de cap mès acòrd exprés peth Plen.

TRESAU.- Facultar ath Sr. Alcalde-President entà soscriuer e signar tota classa de documents relacionadi damb aguest ahèr.



6.- PRÈCS E DEMANES.-

Eth Pòrtavotz deth Grop Municipau de CDA-PNA, demane s'ei previst convocar eth Conselh d'Alcaldes.

Alcalde conteste que non s'a convocat encara mès i a prevision de convocar-lo.

Er Ajuntament contunharà hèn o harà aportacions a TV? Alex Moga ditz qu'encara gessen es lògos der Ajuntament en TV.

Er Alcalde respon que sonque s'a demanat per part d'ua persona eth supòrt ara TDT local mès qu'er Ajuntament non pague arren per aguest concèpte.

Alex Moga ditz qu'eth Conselh Generau d'Aran a plantejat era gessuda d'ua etapa deth Tour de França a Vielha entar an 2016, vòlen saber era avaloracion der Alcalde sus aguesta prepausa a nivèu toristic.

Er Alcalde ditz que era avaloracion ei positiua. Des d'un primèr moment s'a dit atau ath Conselhèr de Torisme, Tonho Boya Quintana. Eth prètz finau ei mès favorable qu'eth que se mos demanaue ath començament. CDA: Cree qu'ei molt bona iniciatiua. Alcalde: Felicite ath qu'age negociat peth prètz arrenhut per'mor qu'a s'a rebaisat. Rufino Martínez ditz qu'ei ua etapa bona, mès arrebrembe qu'en an 2006 quan Aran acuelhec un auta etapa, se creèren ues expectatives que dempús non se compliren. S'arribèc a díder que vierien cent mil persones. E coma "anecdota" creigui que i a bars enes qu'encara i a entrelescades congelades. Es expectatives an d'èster realistes. Serà ua causa molt bona entà Vielha e entà Val d'Aran.

Alex Moga ditz que mos ajude a posicionar-mos coma destin de ciclotorisme.

Alcalde: compense economicament perqu'eth prètz ei molt favorable.

Alex Moga manifèste era dispausacion deth son Grop Municipau entath desvolopament dera etapa.

Javier Rivas, Pòrtavotz deth Grop Municipau de C's manifèste qu'en Plen anterior eth Còsso Alex Moga hec referéncia ath Convèni damb eth Conselh Generau d'Aran entà finançar un estudi sus era Tuca e defenec damb veeméncia era aportacion economica entad aguest estudi. Demane s'auem ua còpia der estudi. Cree qu'ac calerie demanar ath Conselh Generau d'Aran e se serie posible que er Ajuntament lo solicite.

Ara seguida demane en quin estat se trape era pàgina WEB municipau? Quines decisions se preneràn ath respecte?

Respon era Còsso María Vergés: s'a hèt ua amassada damb eth tècnic sus aguest ahèr. Eth problèma ei qu'era web s'a quedat obsoleta. A problèmas practics de dinamizacion, d'ampliacion de contenguts, a ua carcassa fixa, non se pòt cargar en dispositius mobils. En aguesti moments èm en trèn de veir se podem adaptar-la as nosti besonhs, valoram coma se pòt definir entà complir es mesures legaus de transparéncia, s'a dat formacion quauques persones dera casa entà anar meten ahèrs e documents. Cau sajar de trapar d'utes vies a traùers dera AOC coma utisi que poguen méter ara nòsta diposicion.

Javier Rivas, ditz qu'aguesta Web se metec en foncionament aguest an 2015, era paraula obsoleta non ei era adequada, non ei ben hèta, ei encara damb donades antigues. Non i a qui i trape arren. Quines explicacions da era persona que l'a hèt?

María Vergés ditz qu'eth servici deth tècnic actuau damb er Ajuntament a acabat e a compdar d'ara cau cercar ua sollucion/opcions entà actualizar-la a mie e long tèrme.



Ajuntament de Vielha e Mijaran

Javier Rivas ditz qu'auem un problèma eretat des der an 2011, s'a vengut pagan ua causa que non existie, ara dejà ei pagada vèra causa que non reünis es requisits. Cau reclamar professionalitat e servici qu'actuaument manque.

María Vergés; estam treballant entà sajar d'arténher ua opcion que foncione e qu'economicament pogam mantier.

Pren era paraula Rufino Martínez qu'explique qu'eth gran "hito" qu'actuaument auem ei complir era Lei de Transparència, tant era estatau coma era autonòmica. Representarà un increment de treball que calerà veir guaires Ajuntaments seràn capables de complir es placi. Era madeisha Generalitat de Catalunya presentèc eth dia 16 de junhsèga de 2015 eth primèr document d'estratègia entà colaborar damb es Ajuntaments damb un "Portal Transparència" coma supòrt as entitats locals. Ua auta possibilitat ei aderir-se ath portau deth MHAP que probablement se poderà hèr. Donques ua part dera informacion aurà es supòrts informatics via Eecat, AOC, que non seràn es dera pròpria web der Ajuntament, entà poder complir es exigéncias legaus. Era pròpria lei prevé era obligacion de hèr dotacions de prètzi economics e de supòrt tecnic e de formacion qu'era Generalitat de Catalunya aurà d'aportar cossent damb era pròpia lei aprovada.

Alcalde respont ath Pòrtavotz deth Grop Municipau de C's, qu'avaloraram s'ei possible hèr un estudi de reclamar o non peth tèma dera web.

Er Alcalde lhèue era session, dera quau, coma secretària, esteni aguesta acta.

Era Secretària

Er Alcalde